

6

DISSERTATIO PHYSIOLOGICA  
INAUGURALIS,  
DE  
CAUSSA, VICES CORDIS AL-  
TERNAS PRODUCENTE.

QUAM  
FAVENTE DEO T. O. M.  
*Ex Auctoritate Rectoris Magnifici,*  
GISB. MATTH. ELSNERI,

S. S. Theologiæ Doctoris & Professoris Ordinarii:

NEC NON  
*Amplissimi SENATUS ACADEMICI consensu, & Nobi-  
lissimæ FACULTATIS MEDICÆ decreto,*  
PRO GRADU DOCTORATUS,  
Summisque in MEDICINA Honoribus & Privilegiis  
rite ac legitime consequendis,  
*Eruditorum Examini submittit*

ABRAHAMUS ENS, TANGLIMENSIS.

*Ad diem 18 Junii, H. L. Q. S.*



TRAJECTI ad RHENUM,  
Apud JOANNEM BROEDELET,  
ACADEMIÆ TYPOGRAPHUM, MDCCXLV.

DEPARTMENT OF PHYSIOLOGY

1875-76

1875

MASSACHUSETTS

THE UNIVERSITY OF CHICAGO

CHICAGO

1875-76

MASSACHUSETTS

THE UNIVERSITY OF CHICAGO

CHICAGO

1875-76

MASSACHUSETTS

THE UNIVERSITY OF CHICAGO

CHICAGO

1875-76

MASSACHUSETTS

THE UNIVERSITY OF CHICAGO

CHICAGO

1875-76

MASSACHUSETTS

THE UNIVERSITY OF CHICAGO

CHICAGO

1875-76

MASSACHUSETTS

THE UNIVERSITY OF CHICAGO

CHICAGO

1875-76

MASSACHUSETTS

THE UNIVERSITY OF CHICAGO

CHICAGO

1875-76

MASSACHUSETTS

THE UNIVERSITY OF CHICAGO

CHICAGO

1875-76

MASSACHUSETTS

THE UNIVERSITY OF CHICAGO

CHICAGO

1875-76

MASSACHUSETTS

THE UNIVERSITY OF CHICAGO

CHICAGO

1875-76

MASSACHUSETTS



ILLUSTRISSIMO. AC. GENEROSISSIMO.

D O M I N O.

D. HERMANNO. DE LESTOQ.

SACRAE. CAESARIAE. MAIESTATIS. RUS-

SICAE. CONSILIARIO. INTIMO,

ACTUALI,

SACRI. ROMANI. IMPERII. COMITI.

PERSONAE. AUGUSTISSIMAE.

MEDICO. PRIMARIO.

E T,

SUPREMO. REI. MEDICAE. PER. TOTAM.

RUSSIAM. DIRECTORI.

NEC. NON.

MAECENATI. OPTIMO.

S A C R U M.

\* 2

PRAE-



# P R A E F A T I O.

**E**n BL! sisto hic Tibi tandem tandemque, paucis absolutos pagellis, nostros, quos Academica postulat Lex, labores, & quos multis quidem abhinc annis, perfeci, Patrique Optimo Meo, Petropoli in Russia degenti, misi, ac Leidae uni alterive exhibui.

Quos inter principem locum tenuit, Clarissimus H. D. GAUBIUS, genuinus MAGNI quondam HIPPOCRATIS & APOLLINIS Leidensis BOERHAVII Filius, nunc Academiae Leidensis eximium splendidissimumque Ornamentum.

Cumque Vir hicce, pro ea, qua est humanitate, honorificam, atque spem profecto longe meam superantem, hac de Dissertatione, ferret sententiam, ac plenariam testaretur satisfactionem, nullus hinc dubito, quin & aliis harum rerum peritis, arrisura sit.

Hanc tamen edere hucusque, nec lubuit sane, nec placuit. Nunc vero, & Germania, Belgio, Russia, Anglia & Gallia visis, tuo BL! limato iudicio, lubens submitto.

Quibus ergo Mi Lector! hoc tempore utere mecum, donec vel Tu, vel temporis successus meliora dabunt, & quod si hi labores, fervidique iuvenis impetus, placebunt, aut saltem per invidiam non displicebunt, me, vel ad similia experimenta, vel & ad praestandum aliquid in botanicis, incitabis maxime. Vale!





# DISSERTATIO PHYSIOLOGICA

## INAUGURALIS,

DE

# CAUSSA, VICES CORDIS AL- TERNAS PRODUCENTE.

### §. I.

**M**iras Vicissitudines, Cordi proprias, quas  
SYSTOLE atque DIASTOLE absolvi om-  
nes sciunt, animo volvens atque revol-  
vens, factu dignissimum judicavi, si in causas  
earumdem, eo, quo fieri posset, studio inqui-  
rerem. Nullam, quae eo ferret, aliam depre-  
hendi viam, quam ut Experimentorum ductum  
A secu-



secutus, ac ad singula, quae Observatione in hominibus facta constiteret, adtentus, vero ratio-  
cinio ad indagationem earum pervenirem.

Plurima hinc variaque ac mutata ratione insti-  
tui Experimenta, quae, ut de accuratatione eorum,  
ac sententiae, quam mente concepi, valore, ju-  
diciū fieri posset, enarrare omnia mecum con-  
stitui. Reliqua, quae ex Physiologicis & Ana-  
tomicis huc spectant, cognita pono.

Illa post HARVEUM, demonstrata invenies a  
Summo Viro, qui ob sapientiae Laudem apud  
omnes in magna semper erit existimatione, BOER-  
HAAVIO; cuius solida doctrina me, dum in vi-  
vis esset, usum fuisse, aeterna recolam memoria.

Haec ex EUSTACHIO, VESALIO, VIEUSSEN-  
SIO, WILLISIO, LOWERO, THEBESIO, RUY-  
SCHIO, BERGERO, BOHNIO, HEISTERO, &  
quibus id datum, Praelectionibus Accuratissimi  
nostrae aetatis Anatomi B. S. ALBINI, Praece-  
ptoris Nostri Honorandi, repeti possunt.

## I. I.

Catulum aetate iuniorem subieci scalpello, aper-  
toque thorace, Cordis Motum satis vegetum,  
per



per dimidium horae adtentus lustravi, quem cum imminutum viderem, diffracto cranio, & quod maximum erat, cerebro excisso, instrumento acuto laceffivi oblongatam medullam; quo facto magis magisque augebatur Cordis Motus.

I I I.

In alio simillimo priori §. 2. solutis integumentis, & summa cum circumspeditione separato Musculo Sterno-mastoideo utroque, inter anxios animalis eiulatus, maximasque corporis agitationes, manum admovens pectori, fortissimas percepi Cordis Vibrationes; ac ad superiora reversus, carotides tanta viactas, ut adstantes ad motum concitarent partes, iugulares autem maxime repletas, vereque pulsantes vidi.

I V.

Tunc lenissima manu, pari nervorum vago utriusque lateris, a vicina carotide, illaesa adhuc, nec vestigium sanguinis, in maxima licet contractione constituta, prodente, sollicito separato, vincula inieci; periit momento cum sensu vox, ac post breve temporis intervallum collapsae fere



erant arteriae, venae vero extensae, immobili sanguinis turgebant Massa.

Pectora oblonga saltem rima, ne aër in pulmones rueret, notata perlustrans, debilem tremulumque deprehendi Cordis Motum; qui post brevissimum tempus, cum vita abiisset omnis, ac urina profluxisset, prorsus cessans, nulla arte revocari rursus poterat.

## V.

In alio eiusdem aetatis ac vigoris, pari sollicitudine eadem §. 3. 4. tentavi; sed a vinculis nervo injectis citius liberabam animal. Tunc quidem dictis §. cit. praegressis, vita superstite, ac urina nulla prorumpente, debilior Cordis Actio sensim, hacque lege crescebat, ut Ventriculorum Contractio, quae principio post sex Auricularum Actiones contigerat demum, mox quinque, duabus mox, tandemque singulis rite responderet. Haec autem magis per quadrantem fere perstabat, ac Corde excisso diutius visui se obiciebat.

Idem, repetendo in aliis Experimentum, saepius ac constanter contigit.



## V I.

Omne stimuli instar agens, ad superiora delatum, contentum intra ventriculos acre serum, aliaque, non varios saltem totius corporis produxisse motus; sed Cor praesertim ad insolitas magisque auctas sollicitasse Agitationes, Historiae Apoplecticorum satis testantur.

## V I I.

Sed exesa nervorum compage, vel origine eorumdem sphacelo infecta, citam mortem confecisse miseros ex iisdem constat. Sufficiant hisce & antea §. 6. dictis confirmandis, quae tanto numero notata sunt a WEPFERO & PISONE, exempla.

## V I I I.

Cum ergo & experimenta in animalibus instituta, & observationes a morbofo hominum statu petitae, per priora distinctius explicandae, perpetuo ac constanter doceant: Cordis Motum principio nervorum §. 2. 6. vel ipsis nervis §. 4. irritatis, magis magisque augeri; hisce autem impeditis aut destructis §. 4. 7. ac in sua, quam habent



origine affectis, §. 7. & tolli prorsus ibid, §. 4. & manifeste imminui, §. 4; immo liberis rursus iisdem, ad pristinum redire Vigorem, §. 5; nemo sane unquam dubitare poterit: Actionem Visceris huius a nervis, quaecunque eorumdem fuerit agendi ratio, ac praesertim a pari vago, ad Cor tendente, §. 4, & per Anat. quam maxime pendere.

## I X.

Nec est, quod quis obvertat: Perdurasse tamen per aliquod temporis spatium Cordis Motum §. 4, hinc ab aliis forsitan causis profectum fuisse, qui visus, Eventum. Constat enim, & ex sequentibus quoque patebit, iunioribus animalibus tantas in motus esse propensiones, ut post mortem in evulsis a corpore Cordibus diutius appareant. Sufficit, ex debilissima quae illico contingit Agitatione, Mutationem statim fuisse visam. (ibid.)

Nec deficiunt aliorum Experimenta, (ut BOHNII) quae discisso in canibus pari octavo, ramuloque a diaphragmaticis Cordi dato, ipso momento immotam omnem Machinam stetisse, testantur. Sed praestat, recenter natis in hisce uti; aetate enim



enim provectiora, aperto utroque thorace, id quod diaphragmatici nervi postulare videntur, prohibitum per pulmones sanguinis fluxum, Auricula sinistra quiescente, fatis perhibent; hinc cum & huic mutationi tribui queat Effectus, iudicium in re praesenti dubium erit nec sibi constans; aliter sese res in iunioribus habet: haec enim vel per horae spatium, pulmonibus aëri expositis, utramque Auriculam in Motu suo constitutam, iucundo spectaculo, visui obtulere.

Cuius rei ratio, si quae danda, in eo sita videtur, quod ortui propiora animalia, per vasa ad extensionem magis apta, liberiores, ac solitam brevi antea tempore, dum in utero adhuc continerentur, sanguini concedant Viam.

## X.

In cane sat robusto, qui funibus mensae adfixus, fortissimos Pectoris Cordisque testabatur Motus, pari ac in catulis ratione, §. 3. musculis colli utriusque lateris separatis, carotidem a propinquo nervo sollicita cura solvendam duxi.

In quibus perficiendis parca sanguinis copia, ex iugulari externa, quae integra servari haud poterat,



terat, effluxit; sed non perstitit tantum, immo & auctus fuit propter irritationes in nervo factas Visceris huius Vigor. Id quod percipi distinctius potuit aperto thorace.

Prorumpente iam quoque ex mammariis sanguine, adtento ad rem animo sat fortes adhuc deprehendi Agitationes. Quo facto, nulla laesione nervo illata, discidi carotidem. Rursusque perlustrans penetralia pectoris, a priori deficientem vidi Cordis Motum.

Jamque accedebam ad alterum colli latus, arteriamque antea detectam a comite nervo cautius distinxi. Tunc quidem animo accuratius impressi, quis in animali tot mutationes experto, superstes esset Visceris Vigor; quem imminutum magis inveni. Sed pertusa & hac carotide, destructisque & deinde ultimo ipsis vertebralibus arteriis, in languentes abiit ac imbecilliores Nisus pristinus Motus.

Tandem pericardio diviso, longiorem plagam inflexi adscendenti aortae, quam ne prorsus abscinderem, nervi prohibebant hic ubique locati, ac post pauca momenta, tremulis aliquot praegressis Vibrationibus, sanguine ex foramine prorumpente, Quietem se dabat nunquam quietam Machina.



X I.

Eosdem prorsus ac in Experimentis circa nervos institutis §. 8. Effectus, arteriae cerebro ac cerebello prospicientes, (per Anat.) si mutata fuerit naturalis earundem indoles, nobis sistunt. Decrescentes enim videmus, eoque magis decrescentes Cordis Vires; quo plures prohibitaе fuerint proventus suos superioribus dare arteriae §. 10; Negato autem omni adfluxu, motum omnem cessare deprehendimus. (ibid.)

Hinc mutuam opem nervis ferre, officiumque suum in movendo Viscere arterias praestare, sufficienter patet.

X I I.

Hac quidem ratione instituta me certiore reddunt de adserti §. 11. veritate, Experimenta. Contigisse enim scio, quod ligatae fuerint eundem in finem arteriae, quas dissecare apertasque relinquere malui, ut sanguis adpulsus liberum inveniret exitum, qui alias, vinculis vasi iniectis, mole sua Cordis Vires infringere non parum potest; quod sequentia confirmabunt.

Quanto vero studio evitaverim adiacentes ner-

B

VOS,



vos, ne principem tollerem Motus Cauſſam §. 8. non absque ratione adnotandum §. 11. iudicavi.

## X I I I.

Dicta §. 8. 11. licet mentio eorundem omnino facienda fuisset, cognita aliunde posuissem, nisi sponte sua ex Experimentis adductis fluere visa essent, quae tametsi me de re ipsa, & de ac-  
curatione in inquirendo eadem vid. §. 9. 12. certio-  
riorem fecere, non eo prorsus consilio consignanda duxi, ut hisce inservirent, sed quod alia simul ad causam tuendam facientia, mox in medium proferenda, in se continere viderentur. vid. §. 17. 18. 24. 26.

## X I V.

Ex catulis iunioribus extraxi Corda, a nervis-  
vafisque omnibus avulsa penitus. Haec patienter contemplanti, Motu suo, fortissimo initio, sensim tamen imminuto, per dimidia totiusque horae spatium, mirum nec ingratum exhibebant spectaculum.

Adultiora, quae pervestigabam, vix tale quid, aut per aliquot saltem momenta praebuere. Provocata tamen ictu in similes abiere Motus.

Ra-



Ranarum, in quibus constanter hæcce observantur, notissima sunt Exempla.

## XV.

Jam & ea observasse iuvabit, quæ simul sese obtulere videnda.

Cor enim ipsum, vel quod aperto æeri expositum esset, vel quacunque immutatum causa, Rugas Plicasque, per totam superficiem divisas, densissimas gerebat, simillimas iis, quas Musculi in actione sua constituti exhibent, ut in Pectorali detecto eodem tempore observabam; quæ Contractionis factæ signum certissimum dabant. Sed naturalis Contractionis, Cordi propriæ speciem non servabant; immo hac contingente distractæ Plicæ situm faciemque mutabant. Hinc ipsa substantia Cordis, in minus spatium redacta ac mutata omnino videbatur.

Arteriae coronariæ sanguinis tantam copiam, quantam in viventibus haud observavi, continentes, extensæ magis magisque apparebant, tandemque obrutæ fere, hærentem immotamque prae se ferebant Massam.

Parum aut nihil fere rubri humoris, ex aorta aut pulmonali arteria perdurante hac Actione ef-



fluebat, exhaustosque omni suo sanguine Ventriculos indicabat.

## XVI.

Certius proinde constat, inesse cordibus animalium superstites, sanguinis per arterias propulsioni non impensas, Vires, Contractionem post mortem efficientes §. 14; Hasce quocumque nomine insignire velis, mihi perinde.

Effectum, quem in aliis quoque corporis partibus, musculis praesertim obvium deprehendunt omnes, Vitalitati tribuendum dicunt; cuius rationem in nulla alia causa, quam in Nervorum Actione sitam esse mihi persuadeo. Hinc nullo praesidio munitus adfirmare possum: Vitalitatem aut Vim quandam fibris relictam in viventibus adhuc corporibus haud esse praesentem.

Cur enim solis accederet exsectis Cordibus, nova actionem suam exercendi potestas, nervis arteriisque omnibus avulsis?

## XVII.

Vicinis pulmonibus Cordi extracto adhaerentibus, ut quae transfiret adhuc per eosdem fluidorum



rum superstes quantitas, ad venas pulmonales adpellere posset, durante Auriculae sinistrae, post pauca momenta ad quietem se componentis, contractione, vix quidpiam a prioribus §. 14. diversi observari potuit.

Aorta, nervis, venaque cava adscendente dissectis, per cavam descendentem, cui adhuc adhaerebat Cor, adpulsus sanguis segnem lentissimumque ipsi inducebat Motum; qui exsecto Viscere, sanguinem sensim exprimente, auctior rediit.

Integris vasis omnibus, nervis saltem impeditis, post brevissimum temporis spatium Vitalitatis nulla fere adparebant Vestigia. Conf. Exp. §. 4.

## XVIII.

Viventium Corda, sibi relicta, alienam prorsus, quam quae §. 15. indicata, prae se ferunt faciem, laevissimam nullisque rugis obsitam, nullo sanguine infarcto mutatam; hinc nullo iure concludi poterit: Vitalitatem Actiones easdem in viventibus exercere posse, quas in mortuis mutatisque partibus observamus. Quin cum Experientia ipsa testetur, superstites hasce Vires §. 16.



etum eundem aequè praestare haud posse in repletis, ac in exhaustis prorsus Cordibus §. 17. Cor. 15. 14. patebit facile omnibus.

¶ Actiones naturales Visceris nostri, quod sanguinem contentum propellere, magnamque vasorum resistentiam superare debet (per Physiol.) Vitalitati §. 16, licet eius in viventibus animalibus praesentiam haud negandam iudicemus, (ibid) tribui non posse.

### X I X.

Ulterius inquirendum duxi, num ex Experimentis addisci plura possent:

Canicidia scopo aptissima videbantur. Colli ergo regionem primo aggressus, dictis antea modis §. 10. ad alterius lateris carotidem, liberum mihi parabam aditum.

Mox sternum cum costarum cartilaginibus, more ab Anatomicis recepto, e loco suo removebam, ut dignosci omnia distinctius ac visu percipi possent.

Pericardio praeterea eundem in finem per longitudinem dissecto, nudum detectumque reddebam totum Cor.

Mo-



Motus, qui initio vehementissimus erat, mox in tremulos mutari Nisus, mox deficere, iterumque redire, ac tandem prorsus exstingui visus est.

Ventriculus Cordis dexter, multo sanguine turgidus; vena iugularis, quae oculis patebat, extensa ac referta abundante Mole apparebat.

Corotidem a nervo, cui ne quid dāmini pateretur, prospexi, separatam abscindebam, ipsique, expressis aliquot superstitis sanguinis guttulis, tubulum, iniectioni inservientem, alligabam.

Observanti accuratius, nulla sese manifestabat Actio Cordis, nulla Vitalitatis species, nec visu nec tactu perspicienda.

Tuncque parcam tepidae aquae copiam, per siphonem, leni in carotidem adigebam vi. Hocque ipso momento, sanguine in iugularibus sine motu haerente, debili Contractione agitatam Cor oculis ipsis certius dignoscebam.

Aquae immissione desinente, nullum Motus adparebat Vestigium.

X X.

Idem in alio, mutatis licet quibusdam circumstantiis, repetendo tentabam;

Sci-



Scilicet, ut absque animalis vehementissima agitatione opus institui, ac prohiberi simul posset, ne abundante mole, dum Contractio deficeret, inundaretur Cor, aperta arteria crurali, sanguini profilienti liberum concedebam Exitum, donec sponte sua sisteretur fluxus, sensuque omni expers procumberet Animal.

Colli musculis utrimque leniter separatis, tubum carotidi adfigebam.

Ad pectus accedens, & immutata omnia, quantum fieri posset, relinquens, oblongo saltem per cartilagines ductu, aditum mihi ad interiora parabam.

Has manu a sternone diducens, Motum Cordis diutius videbam, sed debiliorem.

Cessante hoc, ex mole Cordis, in pericardio latentis, satis parva, ac laxiori ipsius compage, iudicari satis poterat, illud non magnam sanguinis oppletionem fuisse passum. Venae tantam copiam, ut in priori, non ducebant.

Certus de perfectissima quiete Visceri impetrata, eodem ut in priori modo, aquam tepidam siphonis ope, per carotidem ad superiora derivabam.

Quo



Quo contingente, adstans diducto pectoris parieti, Motum videndo tangendoque percipiebam distinctissime.

Sed cessante pressione sublatus & Hicce fuit.

Dubius, numme per venas redierit quaedam ad Cor sanguinis pars; utramque discidi iugularem.

Sed propulsione aquae facta, Effectus iterum apparuit non minor priori.

## X X I.

In utroque examine §. 19. 20. nervum propius adiacentem, ante aquae immisionem, trahendo premendoque lacessivi diutius, immoto tamen perstante Corde; hinc non est, quod quis sibi persuadeat, secutas fuisse ex nervorum irritatione, per tractiones carotidis facta, dictas Apparitiones.

## X X I I.

Arterias ad Motum Cordis facere certissimum est §. 10. Sed ipso momento, quo fluidum arteriarum tortuosas emetitur vias, Contractio sese sensibus sistit §. 19. 20; hinc Motus Cordis singuli, a singulis, respondentibus sibi Sanguinis ad caput Accessionibus, produci videntur.

## C

## XXIII.



## X X I I I.

Cum sanguis arteriis exclusus, Cor proxime adficere nequeat, (per Physiol.) nervique Contractioni perficiendae maxime inserviant §. 8; hocce, quamcunque patiantur mutationem, singulis momentis, quibus sanguis ad Caput fuerit advectus §. 22, sollicitari, ut Vires Cordi, ad eius Motum facientes, suppeditent, dicendum erit.

## X X I V.

In examine vivorum animantium, arteriae turgidae, magnaue vi contractae, venae propter molem contentam veros Pulsus edentes certius indicant, multum Sanguinis datum fuisse Capiti, redditumque Cordi; (per Physiol.) sed eodem tempore Cor in maxima Actione erat constitutum. (vid. Exp. §. 3.)

Collapsis arteriis immotisque venis, tremulus ac debilissimus in iunioribus erat Cordis Motus. (per Exp. §. 4. 5.)

Decrescente successive sanguinis, arterias permeantis Quantitate, iusto discrimine imminuebatur Visceris Actio. (per Exp. §. 10.)



En simul Rationem adductorum dictis locis  
Experimentorum!

## X X V.

Apoplexia correpti, Cordi Arteriisque, quod  
sensu in ipsis carotidibus dignosci potest, ma-  
nam sanguinis copiam suppeditant; sed fortissi-  
mas producunt Contractiones.

Plethorici, in quibus vasorum nondum debili-  
tatum robur, eadem exhibent.

Homines ac ex caeteris animantibus equi prae-  
sertim veredarii, diuturno motu, exercitati, in  
quibus ex maxima musculorum actione, ingens  
cedit Cordi sanguinis proventus, (per Physiol.)  
tam stupendas Cor exercet Actiones, ut auris vel  
e longinquo sensu earum adficiatur.

In exhaustis diuturno vel acutissimo morbo  
corporibus, & in iis, qui fame ac inedia con-  
sumta sunt, parca adest humorum Quantitas,  
sed & debilis Contractio.

## X X V I.

Ex Observationibus §. 25 & Experimentis §. 24.  
patet: Quantitates virium per nervos Cordi da-



tarum §. 23. respondere Quantitati sanguinis , arterias aequali tempore permeantis.

### X X V I I.

Vires Visceri concessae , sanguinis per arterias dati sequuntur Quantitatem §. 26 ; sed huic aequalis est quantitas sanguinis per venas ad Cor reducis ( per Physiol. ) Hinc cum resistantia nata Viribus quoque ipsis aequalis sit , non potest non omnis Vis ex arteriarum proventu exurgens , in secutura Contractione consumi iterum atque extinguui.

Quod & ipsa Experimenta §. 19. 20. certissime indicare videntur.

### X X V I I I.

Evanefcente Virium determinata Potestate §. 27, cum hic quidem Vitalitatis , nisi Fictionibus locus detur , nulla ratio habenda sit §. 18. Contractionem cessare , Corque Libertati suae restitui necesse est.

Ex his secuturae DIASTOLES intelligitur Ratio.

### X X I X.



## X X I X.

VICES CORDIS ALTERNAE EX ALTERNO  
SANGUINIS AD CAPUT NASCUNTUR ADFLUXU.

Vires Cordis sed determinatas saltem, quae uni  
sufficiant Contractioni §. 27. ex sanguine ad supe-  
riora advecto progigni §. 23. 22. haecenus adserui.  
Non uno autem impetu, sed successivis & inter-  
ruptis vicibus sanguinem ad partes Nostri Corpo-  
ris deferri, Experimenta docent, Ratio confir-  
mat. (per Physiol.

Patet ergo, quod erat demonstrandum proban-  
dumque.

## X X X.

Sic quidem simplicissima via, brevique argu-  
mentorum serie usus, scopo meo satisfacere co-  
natus sum. Experimentorum prolixiorum recen-  
sionem necessariam omnino iudicavi, ut si quid  
Vitii hisce inesset, facilius foret de re ipsa iudi-  
cium. Mihi quidem nihil in hisce visum est, quod  
Dubii quidquam relinquere posset.

Hinc Sententia, quam rerum INTELLIGEN-  
TIBUS propono, veritate sua sese mihi probat.

Eateor, tantam evidentiam hisce non inesse,



quantam in illis invenire licet, quae sensibus cognoscuntur. Sed qui hanc perpetuo in Physicis postulant, eorum naturam profecto ignorant.

Hic enim argumenti, quod probabilitate sua propius propiusque ad certitudinem accedit; vim esse summam INTELLIGENTES sciunt.

### X X X I.

Sed dices: si arteriarum proventus, capiti datus, vires conciliat Cordi, secuturae Contracti-  
oni sufficientes, cur non omnes partes, quibus suppetiae hae eodem feruntur tempore, Effectum earum Contractione sua simul testantur?

Fatendum ordine cuncta ac successione fieri; cuius Rationem intelligemus, si explicata fuerit Conditio ad Motum necessaria.

### X X X I I.

Quis ergo hic Apparitionum Ordo?

Utraque primo movetur Auricula, tumque quiescentibus illis, uterque Ventriculus Cordis.  
(per Exp. & Physiol.

Haec absolvunt rem ad nos spectantem; praestabit tamen, ut distinctius omnia pateant, & sequen-



quentia examini subiici queant, singulas Successionis Leges, non in hisce saltem, sed & in reliquis, quae rationem Mutationum in se continent, partibus obvias, simul menti sistere.

*a Cordis Quies comites sibi habet Arteriarum Motum  
Ac Sinuum Impletionem.*

*B Sequenti momento Sinuum Motum,  
Auricularum Impletionem.*

*γ Cordis Impletio autem Auricularum Motum,  
Arteriarum & sinuum Quietem.*

*δ Cordis Motus tandem Auricularum Quietem,  
Arteriarum Impletionem.*

### XXXIII.

DIASTOLEN in QUIETEM ac IMPLETIONEM PARTIUM divido, naturam ipsam secutus. Haec enim contingente, primo flaccidae, mox autem extensae ac rubrae apparent Partes. (per Exp. & Physiol.)

Minutiis haec accenses; sed meditare rem. Sine auditis mutationibus acquiescis, nil difficultatis habebis; sin autem comparando eas, quae simul contingunt, ordinem omnium cogitationibus adsequi studes, vel ignorare TE cuncta, vel obscuri aliquid; aut falsi subesse certissime pronuntiabis.

En rei probationem! Auricularum Diaστολε  
syn-



synchrona est Arteriarum Diaστοle §. 32; Sed Auricularum Diaστοle est quoque synchrona Arteriarum Systole. (ibid  $\beta$  &  $\alpha$ .) Sicque Diaστοle & Systole Arteriarum eodem fiunt tempore; id quod contradictorium.

Hinc tempora dividenda, & mutationes singulae evolvendae, ut distincta earumdem menti imprimatur notio.

Ab Arteriarum autem Systole initium faciendum duxi, ut haec ad antecedentia magis explicanda facerent.

#### X X X I V.

In Cordibus, quae a motu suo defecerant, ac aggravatis praesertim multo sanguine, non accedente novo per venas adfluxu, Mucronem vidi in Nisus, saepe aliquando repetitos, abeuntem; nova non praegressa Auricularum Contractione.

#### X X X V.

Initium ergo Motus in Ventriculis aequè fieri potest ac in Auriculis Cordis §. 34; sed naturalis Actio, in viventibus se manifestans, constantissima lege Auriculas prius contractas sistit §. 32; hinc conditio quaedam, haec praestans adsit necesse est.

#### XXXVI.



## X X X V I.

Vena Cava adscendente, vel descendente, vel utraque compressa; segnior aut nulla fere adparebat Auriculae Actio.

Quiescente toto viscere, ex quo sanguinem, in dextro Ventriculo stagnantem, foramine facto, eduxeram, per abscissam venam cavam descendentem, tepidam, siphonis ope propellebam aquam; resurgebat Auriculae, & hac quiescente, Ventriculi Motus.

## X X X V I I.

Cum ergo advectum fluidum ad motum concitet Partes, deficiente hoc non obvium §. 36, cumque sanguis in corpore nostro ad Auriculas citius, quam ad Ventriculos perveniat; (ibid) hinc Conditio §. 35. dicta in praesentia sanguinis sita erit.

## X X X V I I I.

Sed quaeris, qua ratione id praestat sanguis; num irritando forsan? sunt quae hoc persuadere nobis incautis facile possent. Quae enim sit Irritationis in corpora Vis, Experimenta in omnibus animalibus, iunioribus praesertim instituta, satis docent.

Murem recenter editum, casuque mihi oblatum,

D

tum,



tum, in quo pectore & abdomine aperto, per horam fere observabam Cordis Actionem, mira mihi exhibentem vidi.

Thorace enim quieto, acie cultri intercostales sollicitando musculos, Respirationem pro lubitu saepius revocabam, quod cum efficere in eodem latere haud amplius possem, ad alterum accedens praestiti; sed & hoc cessante, in aliis corporis inferioribus quoque partibus idem tentans, eundem Respirationis produxi Effectum; mesenterii centrum laceffens, anteriorem dextrumque pedem, constante quasi lege, Motum edentem sat insignem, iteratis vicibus observabam.

Certissimis autem hisce Irritationis Effectibus induci non possum, ut simili caussae Contractiones naturales, in Cordis Partibus obvias adscribam.

Obstant enim alia in corpore rite Observata. Nonne enim qui in Intestinis deprehenditur PERISTALTICUS MOTUS, ibi quoque primo sese manifestat, ubi contentorum experitur Resistentiam? Sed num hic Irritationi locus dari potest, cum & post cibos adsumptos, ubi in maxima actione constituta sunt, nullos omnino testentur Dolores, qui non possent non oriri, si contenta in partes hasce sensatione maxime praeditas, (per Exp.) irritando agerent.



## X X X I X.

Ponderi sanguinis alluentis, rationem Conditio-  
nis §. 35. requisitae acceptam ferendam esse, cum  
vix alia hic fingi queat, adserere possem, licet  
agendi modus haud omnino a me explicaretur.  
Conabor tamen, num hunc distinctius interpre-  
tando, adserto ipsi fidem conciliare queam.

## X L.

Cordibus humanis vel brutorum, sibi relictis,  
quae perfecte referunt Viscera haec in quiete con-  
stituta, materies, per arterias iniecta, per vasa  
arteriosa, Partibus Cordis propria, optime pene-  
trat; immo Aorta, tum temporis contracta §. 32.  
fluidum suum aequali vi versus omnes plagas pre-  
mens, (per Physic:) non potest non sanguinem,  
in aperta (per Anat.) non resistantia Oscula pro-  
pellere.

## X L I.

Eo vero tempore, quo contingit Partium Im-  
pletio, novam accessionem sanguinis ad arterias  
coronarias fieri, vix mihi persuadere possum.  
Resistentia enim sanguinis vi in cavitates proiecti  
major est, quam fluidi in aorta tum quieta §. 32.  
haerentis pressio: hinc vel immotus in iis persta-  
bit sanguis vel lentissime progredietur. Sed in his



facilis ero, cum ad rem praesentem vix facere videantur:

### X L I I.

Sed idem quoque contingere, in motu Earumdem, Experimenta oculis ipsis sistunt. In lenta enim Contractione distinctissime sanguinis ad arterias Accessum saepe diutius observavi; ac in ipsa Vitalitatis Actione arteriae turgent, hacque cessante repletae permanent §. 15.

Nec quidquam hoc prohibere posse videtur. Corde enim ex canibus extracto, arterias abscidi, ut Valvularum semilunarium Actionem Situmque rite addiscerem; Ventriculos aqua implevi, eamque manuum artificiosa agitatione Contractionem imitatus, per arterias proieci; Sed nunquam ad tantam altitudinem Valvulas, Chordis suis adhuc instructas, adscendentes vidi, ut Oscula dicta, sua ad parietes inclinatione, operire possent. Liberris autem hisce, sanguis magnam Cordis Vim expertus, & hic viam facile sibi parabit.

Rubrum quidem colorem perdunt Partes in Actione sua constitutae; propterea tamen sanguinis in iis praesentia negari haud poterit: idem enim in omnibus observatur musculis, ad quos tamen in contractione ab arteriis novas perpetuo  
sup-



suppetias ferri, Morbi ex protracta diutius actione oriundi satis confirmant.

In utrisque id dubii restat; quod Viae, constrictiōibus fibrarum factis occludi ac prohiberi possint; huic quidem omnino satisfacere nequeo. Sed Initia arteriarum coronariarum libera satis, nec fibris sese constringentibus subiecta esse scio; ulterior autem sanguinis progressus per Impetum ex proiectione natum iuari & hic aequae facile poterit, ac accessio arteriosi ad reliquos musculos humoris.

## X L I I I.

Partes ergo Cor constituentes, Quietis Motusque sui tempore; sanguinem hauriunt arteriosum §. 40. 41. 42. Quod si mirum dictu quibusdam videatur, quid contra Experientiam ac Rationes possint; indicent. Nec hoc alienum prorsus a natura Corporis nostri deprehendo; nonne enim & Quietis & Motus sui tempore implentur Musculi?

## X L I V.

Impletione vasorum coronariorum; lenissima vi, ne Valvulae rumpantur, per aortam facta, liquidum immissum per venas redditur Ventriculis Cordis; hinc quiete Partibus concessa, sanguis arteriis datus per venas sese penetrare potest;



non abludente ab his consuetudine aliorum Musculorum.

## X L V.

In Systole Cordis idem fieri §. 44. omnes concedunt.

## X L V I.

Impletione Partium contingente, sanguis contentus premit parietes earum, vicinaque iis (per Anat) venosa vasa, & cum Arteriae in quiete tum sint constitutae §. 32, lenis, si quae datur §. 41. Sanguinis coronarias arterias permeantis Pressio, motum venosi parum poterit iuvare; hinc tunc quidem Cordis Partes, sanguinem in internis parietum suorum recessibus retinere coguntur.

## X L V I I.

Musculos agere non posse, nisi iusta gaudeant sanguinis copia, Experimenta confirmant; (per Physiol.) Sed ipsa Observatio simul docet, immutatum tunc quidem sanguinis influxu requiri statum; non enim libere transigit consuetas sibi vias, sed remora quasi iniecta implet Musculorum Compagem. (ibid.)

Cum ergo Pressio fluidi in cavitatibus contenti similem statum in nostris Partibus producere queat



queat §. 46; Pressionis autem Effectus a fluidis oriundus, soli eorumdem Ponderi tribuendus sit; (per Physic.) hinc sua sponte fluit: Pondus Sanguinis aptas ad Contractionem reddere Cordis Partes. Quae confirmant dictum §. 39.

## X L V I I I.

Hanc tamen praesentiam sanguinis, Conditionem saltem ad Actiones earumdem necessariam appello, quae Contractionis causa aequae improprie diceretur, ac si sanguinem, in aliis musculis tum praesentem, hoc nomine insignire velles.

## X L I X.

Licet autem in Systole exprimatur venosus sanguis §. 45. ad Contractionem tamen aptae permanebunt Partes. Redditur enim tunc quidem per arteriosa vasa, vi propulsi sanguinis magis aperta §. 43. 32. tantum iisdem, quantum deperditur per venas.

## L.

Proiecta omni Mole, Motusque Causa cessante §. 27. libere permeanti canales suos §. 44. ut in reliquis corporis partibus (per Physiolog.) sanguini, nulla infertur mutatio. Jamque praesens est DI-ASTOLES INITIUM seu PARTIUM QUIES §. 28.

## T A N T U M.

THE



# T H E S E S.

## I.

*Unicam partem Musculi, quiescentibus reliquis agere posse, non effectum cogitando est; sed ex Inspectione vivorum, in quibus supremam detecti Pectoralis partem claviculae vicinam, solam in Contractione vidi, addisci potest.*

## II.

*Sententiae, nervos fluidum aliquod vehere; Robur addere videtur Vitalitas in exsectis Cordibus praesens. Quis enim hanc tensione perfici sibi persuaderet, tensionis principio deleta. Sed superstes nerveum fluidum, ob minima vasa lentiolemque motum non confestim ablatum, dum per mutationes Cordi contingentes sensim exprimitur, vivorum Actiones imitari posse non absolum videtur.*

## III.

*Pulsuum Ratio, in homine sano, vel morbo acuto, vel chronico laborante, ipsa meridiana luce clarius, ex Dissertatione nostra, longe lateque patet.*

## IV.

*Ex Experimentis datis colligere quoque licet, qua ratione V. S. febribus aliisque morbis inflammatoriis laborantibus, adiumento esse possit, scilicet minuendo copiam sanguinis, hinc enim statim maior eius immittitur affluxus versus Cor Cerebrumque, indeque & maior spirituum secretio, horumque major atque fortior determinatio versus Cor.*

## V.

*STUDIO MEDICO; (inter alia absolute necessaria,) utile & dulce est, iungere BOTANICUM.*

## VI.

*Et quicumque Medicinam exercet, plantasque, saltem usu ac consuetudine receptas, (& quas ipsemet quotidie aegrotis praescibit suis) nec oblatas nominare, nec distinguere, nec illarum vires noverit, mehercle! HONORE indignissimus est MEDICO.*